



Broj: 01-195/15
Vareš, 29.12. 2015. godine

Z A P I S N I K
s 2. Vanredne sjednice Općinskog vijeća Vareš,
održane 19.10, 04.11. i 30.11.2015. godine

Predsjedavajući Općinskog vijeća Vareš Zdravko Marošević, otvorio je 2. Vanrednu sjednicu s početkom u 10,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Tarik Kovač, Zdravko Marošević, Mario Mirčić, Elvir Rožajac, Jasmin Salketić i Nikola Šimić.

Odsutni: Safeta Muftić, Mato Pavić i Goran Selak.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, šef Kabineta općinskog načelnika – gosp. Ibrahim Spahić, pomoćnici općinskog načelnika, predstavnici Sindikalne organizacije zaposlenika organa uprave Općine Vareš, predstavnik PS Vareš gosp. Meho Bajrić, direktorica JU Centar za socijalni rad Vareš gosp. Nihada Gondžo, direktorica JPU Dječiji vrtić gosp. Darija Kuhar, predstavnik OSCE gosp. Daut Bajramović, predsjednici političkih stranaka i mediji.

Predsjedavajući OV Zdravko Marošević upoznao je prisutne da je na zahtjev općinskog načelnika i u skladu sa Poslovníkom o radu OV Vareš, zakazana 2. Vanredna sjednica OV zbog pristiglog Rješenja o obustavi transakcija preko računa poreznog obveznika Općine Vareš od strane Porezne uprave FBiH Kantonalni porezni ured Zenica. Pozvao je vijećnike na konstruktivnu raspravu, kako bi se donijeli određeni zaključci u vezi nastale situacije.

Predsjedavajući OV stavio je na raspravu prijedlog dnevnog reda za 2. Vanrednu sjednicu Općinskog vijeća Vareš.

Nije bilo rasprave i predsjedavajući OV stavio je na izjašnjanje prijedlog dnevnog reda za 2. Vanrednu sjednicu, te nakon izjašnjanja vijećnika konstatuje da je **jednoglasno usvojen s l i j e d e ĩ**

D n e v n i r e d:

- 1. Informacija o pristiglom Rješenju o obustavi transakcija preko računa poreznog obveznika Općina Vareš.**
- 2. Prijedlog mjera.**

Ad. 1.

(Informacija o pristiglom Rješenju o obustavi transakcija preko poreznog obveznika Općina Vareš.)

Općinski načelnik Kovačević Avdija u svom obraćanju dao je obrazloženje u vezi Informacije o blokadi svih računa Općine Vareš od strane „Unicredit bank“ d.d. Mostar po nalogu Porezne uprave FBiH, broj: 02-872/15 od 16.10.2015. godine, koja je dostavljena Vijeću za današnju sjednicu. Podsjetio je Vijeće na hronologiju dešavanja u vezi blokade transakcijskih računa Općine Vareš koja je uslijedila 12.01.2015. godine zbog neplaćanja poreznih obaveza. Obavijestio je prisutne da će organ uprave Općine Vareš izjaviti Žalbu Drugostepenom organu na Rješenje o obustavi transakcija preko depozitnog poreznog obveznika Općina Vareš i upoznati Premijera Vlade FBiH i resorno ministarstvo o donesenim zaključcima na današnjoj sjednici. Na kraju svog izlaganja Općinski načelnik je pozvao vijećnike da se temeljito razmotri nastala situacija, iznesu svoje prijedloge i da eventualno usvoje paket mjera koji je predložen u Informaciji.

Predsjedavajući OV upoznao je prisutne sa obavještenjem predsjedavajuće Skupštine ZDK gosp. Draženke Subašić o spriječenosti da prisustvuje današnjoj sjednici.

Otvorena je rasprava u kojoj su svoje prijedloge, primjedbe, stavove i mišljenja iznijeli vijećnici: Tarik Kovač, Đemo Kevrić, Mario Mirčić, Elvir Rožajac i Mahira Brkić .

Vijećnik Ismet Abdulahović zatražio je pauzu jer ne želi učestvovati u raspravi dok je Općinski načelnik trenutno odsutan sa sjednice.

Predsjedavajući OV dao je pauzu u trajanju od 5 minuta.

Nastavljeno je sa radom današnje sjednice.

U daljnjoj raspravi su učestvovali vijećnici: Ismet Abdulahović i Kenan Kamenjaš.

Za riječ se javio Općinski načelnik koji je u svom obraćanju odgovorio na neka postavljena pitanja vijećnika u raspravi i dao pojašnjenje u vezi predloženih zaključaka u Informaciji sa datim akcentom na predložene zaključke broj 4. i 5. koji se odnose na rad Jedinstvenog općinskog organa Općine Vareš u novonastalim okolnostima i osiguravanju zakonskih prava iz rada i po osnovu rada svih zaposlenika.

Za riječ se javio Miralem Musa predsjednik Sindikalne organizacije zaposlenika Općine Vareš koji je u svom obraćanju i na traženje vijećnika u raspravi, izjavio da će Sindikalna organizacija dostaviti svoj stav u vezi zaključaka 4. i 5. nakon sjednice. O iznesenom je dao pojašnjenje.

U daljnjoj raspravi su učestvovali vijećnici: Boško Andrić, Mahira Brkić, Jasmin Salketić, Đemo Kevrić, Tajiba Brkić, predsjednik sindikalne organizacije Miralem Musa i ispred Službe za prostorno uređenje, urbanizam, privredu i finansije Senad Mahmutović koji je odgovorio na postavljeno pitanje u raspravi vijećnika Đeme Kevrić koje se odnosi na određene stavke koje su navedene u Informaciji. (rast doprinosa i neto plaća za period VII, VIII i IX /2015. godine i potraživanja Općine Vareš)

Predsjedavajući OV Zdravko Marošević u svom obraćanju i na osnovu diskusija u raspravi predložio je da predsjednici Klubova zajedno sa Načelnikom dogovore i usaglasе konkretne zaključke koji bi se uputili višim nivoima vlasti.

U daljnjoj raspravi su učestvovali vijećnik Tarik Kovač, Općinski načelnik Kovačević Avdija koji je iznio mišljenje i dao pojašnjenje i odgovore na pitanja vijećnika postavljena u raspravi. U svom izlaganju Općinski načelnik izjavio je da povlači zaključke pod brojem 4. i 5. i da prihvata prijedlog da se napravi pauza kako bi predsjednici Klubova razmotrili i usaglasili zaključke.

Za riječ se javila zamjenica predsjedavajućeg OV Mahira Brkić koja je dala komentar na načelnikovo izlaganje.

Predsjedavajući OV Zdravko Marošević pozvao je predsjednike Klubova, predstavnike političkih partija koji nemaju Klubove i Općinskog načelnika da na osnovu rasprave i iznesenih prijedloga usaglasе i predlože konkretne zaključke.

Predsjedavajući OV Zdravko Marošević dao je pauzu u trajanju od 30 minuta u vezi dogovora i usaglašavanja prijedloga zaključaka.

Nastavljeno je sa radom današnje sjednice.

Za riječ se javio Općinski načelnik Kovačević Avdija i upoznao prisutne da su Klubovi i vijećnici političkih stranaka na održanom sastanku u toku pauze, konsenzusom usaglasili prijedlog zaključka i to:

Zaključci:

- 1. Zadužuje se općinski Načelnik da iskoristi sva, na zakonu dozvoljena sredstva, da se doneseno Rješenje broj: 10-4-01-15-5-1213-02/08 – S.A. (BLJ) od 09.10.2015. godine od strane Kantonalne porezne uprave Zenica stavi van snage, a sve u skladu sa Zakonom o poreznoj Upravi FBiH.**
- 2. Općinsko vijeće Vareš traži da u skladu sa Ustavom i Zakonom o Vladi ZDK-a, Vlada ZDK-a održi hitnu vanrednu sjednicu Vlade ZDK-a na kojoj bi se razmotrile i usvojile hitne mjere za pomoć općini Vareš. Općinsko vijeće Vareš traži da sjednici prisustvuje općinski Načelnik i Predsjedavajući Općinskog vijeća Vareš.**
- 3. Općinsko vijeće Vareš zahtjeva hitnu intervenciju Vlade FBiH za iznalaženje i dodjeljivanje finansijske pomoći Varešu u skladu sa Zaključcima Vlade FBiH od 27.05.2015. godine donesenih na 7. Sjednici Vlade FBiH.**
- 4. Općinsko vijeće Vareš traži od predsjedavajuće Skupštine ZDK-a da upozna-informiše Skupštinu ZDK-a o novonastaloj situaciji na području općine Vareš, a na osnovu materijala Općinskog vijeća Vareš. Općinsko vijeće Vareš traži da predmetnoj sjednici prisustvuje Kolegij Općinskog vijeća Vareš.**
- 5. Današnja 2. vanredna sjednica se prekida i njen nastavak se zakazuje za 15 dana. Ukoliko na nastavak sjednice ne dođu predstavnici Vlade ZDK-a i Vlade FBiH i ne bude realizovan ni jedan prethodni vitalni Zaključak Općinskog vijeća Vareš, svi vijećnici najavljuju podnošenje ostavke u Općinskom vijeću kao i Općinski načelnik sa uposlenicima Jedinstvenog općinskog organa uprave Općine Vareš.**

Predsjedavajući OV Zdravko Marošević zaključio je raspravu i stavio na izjašnjavanje prijedlog zaključaka.

Nakon izjašnjavanja vijećnika predsjedavajući OV konstatuje da su **jednoglasno usvojeni predloženi Zaključci.**

Predsjedavajući OV prekinuo je 2. Vanrednu sjednicu i nastavak najavio za 15 dana.

Sjednica je prekinuta u 13,20 sati.

NASTAVAK 2. VANREDNE SJEDNICE OPĆINSKOG VIJEĆA

04.11. 2015. GODINE U 10,00 SATI

Predsjedavajući Općinskog vijeća Vareš Zdravko Marošević, otvorio je nastavak 2. Vanredne sjednice s početkom u 10,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Tarik Kovač, Mato Pavić i Goran Selak.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, šef Kabineta općinskog načelnika – gosp. Ibrahim Spahić, pomoćnici općinskog načelnika, predstavnici Sindikalne organizacije zaposlenika organa uprave Općine Vareš, ministar finansija ZDK-a – gosp. Andrej Kajić, ministar za pravosuđe i upravu ZDK-a – gosp. Mirnes Bašić, predstavnik OSCE gosp. Daut Bajramović, predsjednici političkih stranaka i mediji.

Predsjedavajući OV upoznao je prisutne da su vijećnicima prije početka današnje sjednice, dostavljeni usvojeni Zaključci sa prošle sjednice i dodatni materijal - „Informaciju o poduzetim aktivnostima poslije sporazumnog prekida 2. Vanredne sjednice Općinskog vijeća Vareš, a vezano za „blokadu“ općinskog računa“, broj: 02-925/15 od 03.11.2015. godine.

Za riječ se javio Općinski načelnik koji je u svom izlaganju dao dodatno pojašnjenje u vezi poduzetih aktivnosti vezanih za blokadu računa općinskog računa, koje su navedene u Informaciji. Upoznao je prisutne da su upućene žalbe na Rješenje Porezne uprave FBiH-Kantonalni porezni ured Zenica od 14.10.2015. godine Federalnom ministarstvu finansija putem Porezne uprave FBiH-Kantonalni ured Zenica i da je njihovo rješavanje u toku. Također je upoznao prisutne da je ostvaren institucionalni kontakt sa premijerom i Vladom ZDK-a, premijerom i Vladom FBiH, direktorom i Poreznom upravom FBiH, Središnji ured.

Na kraju svog izlaganja i uz izneseno obrazloženje, Općinski načelnik predložio je slijedeće

Zaključke:

1. Predmetna informacija se prima k znanju.
2. Zadužuju se Općinski načelnik i Predsjedavajući OV Vareš da snažno nastave sa započetim aktivnostima, i da se učini sve što je u nadležnosti OV Vareš i Općinskog načelnika da se što prije obezbijedi nesmetano funkcionisanje Jedinog općinskog organa uprave Općine Vareš i lokalne zajednice ukupno.
3. 2. vanredna sjednica OV Vareš se prekida i zakazuje se njen nastavak za 30 dana, a u međuvremenu će se u skladu sa Programom rada OV Vareš održati redovna sjednica.

Za riječ se javio ministar finansija ZDK- a gosp. Andrej Kajić koji je u svom obraćanju ispred Vlade ZDK-a izjavio da je Vlada ZDK-a od početka aktivno uključena u rješavanje nastalog problema i da u suradnji sa općinskim službama vrše se dogovori za daljnje korake kako bi se problem u vezi blokade računa prevazišao. Naglasio je da Vlada ZDK-a može djelovati jedino u okviru ustavnih nadležnosti ZDK-a i to će i dalje da čini.

Otvorena je rasprava u kojoj su učestvovali vijećnici: Ismet Abdulahović, Safeta Muftić, Mahira Brkić, Mario Mirčić, Boško Andrić, Kenan Kamenjaš, Đemo Kevrić i Općinski načelnik koji je dao određena pojašnjenja na traženje vijećnika.

Predsjedavajući OV dao je pauzu u trajanju od 10 minuta kako bi predsjednici Klubova i vijećnici političkih stranaka na osnovu diskusije i iznesenih prijedloga, usaglasili prijedlog zaključaka.

Nastavljeno je sa radom današnje sjednice.

Za riječ se javio Općinski načelnik koji je upoznao prisutne sa usaglašenim prijedlogom zaključaka i to:

- 1. Zadužuju se općinski Načelnik i Predsjedavajući Općinskog vijeća Vareš da nastave sa započetim aktivnostima i da se učini sve što je u nadležnosti Općinskog vijeća Vareš i općinskog Načelnika da se što prije obezbijedi nesmetano funkcionisanje Jedinственог općinskog organa uprave Općine Vareš, Općinskog vijeća Vareš i lokalne zajednice, ukupno.**
Zbog izuzetno teških i složenih socio-ekonomskih prilika cijele lokalne zajednice, od Vlade FBiH i središnjeg ureda Porezne uprave FBiH, zahtijevamo bezuvjetnu deblokadu depozitnih računa u roku, ne dužem od 30 dana.
- 2. Nastavak 2. Vanredne sjednice Općinskog vijeća Vareš se prekida i zakazuje se njen nastavak za 30 dana.**
- 3. Općinsko vijeće Vareš traži da se što je moguće prije održi tematska sjednica Vlade ZDK-a na temu:**
„Usvajanje sistemskih mjera pomoći općini Vareš, s ciljem dugoročnog prevazilaženja postojećeg stanja.“

Nije više bilo učesnika u raspravi i predsjedavajući OV zaključio je raspravu i stavio na izjašnjavanje Informaciju o blokadi svih računa Općine Vareš od strane „Unicredit Bank“ d.d. Mostar po nalogu Porezne uprave FBiH“ (broj: 02-872/15 od 16.10.2015. godine) sa dodatnom Informacijom o poduzetim aktivnostima poslije sporazumnog prekida 2. Vanredne sjednice Općinskog vijeća Vareš, a u vezano za „blokadu“ općinskog računa (broj: 02-925/15 od 03.11.2015. godine) sa usaglašenim prijedlogom Zaključaka.

Nakon izjašnjavanja vijećnika predsjedavajući OV konstatuje da **su jednoglasno usvojeni predloženi Zaključci i Informacija.**

Nastavak 2. Vanredne sjednice završen je u 11,55 sati i ista će se nastaviti za 30 dana.

DRUGI NASTAVAK 2. VANREDNE SJEDNICE OPĆINSKOG VIJEĆA 30.11. 2015. GODINE U 15,30 SATI

Predsjedavajući Općinskog vijeća Vareš Zdravko Marošević, otvorio je drugi nastavak 2. Vanredne sjednice s početkom u 15,30 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Mato Pavić i Goran Selak.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, predstavnik Sindikalne organizacije zaposlenika organa uprave Općine Vareš – gosp. Miralem Musa, predsjednici političkih stranaka i mediji.

Vijećnicima je uz poziv za drugi nastavak 2. Vanredne sjednice OV dostavljen Zaključak Kantonalnog poreznog ureda Zenica o prekidu postupka prinudne naplate protiv poreznog obveznika:

Jedinstveni općinski organ-Općinski načelnik Općine Vareš, broj: 10-4-01-15-5-1213-01/08 – SA od 16.11.2015. godine.

Predsjedavajući OV Zdravko Marošević upoznao je prisutne da se rasprava nastavlja po usvojenom dnevnom redu.

Za riječ se javio općinski načelnik Kovačević Avdija koji je u svom obraćanju informisao prisutne o aktivnostima provedenim u vezi deblokade računa i o obustavljenim i uplaćenim sredstvima Poreznoj upravi u periodu od 01.01. – 16.11.2015. godine. Po Rješenju Porezne kantonalne uprave od 16.11.2015. godine obaveza Općine Vareš je da do 31.12.2016. godine izmiri dug po osnovu starih obaveza u iznosu od 1.458.495,43 KM.

Na osnovu iznesenog, Općinski načelnik predložio je prijedlog

Zaključka

- **Zadužuje se Općinski načelnik da zajedno sa Službama iznađe najoptimalniji modalitet kako da se u utvrđenom roku do 31.12.2016. godine izmiri dug od 1.458.495,43 KM , kako bi Općina Vareš u potpunosti bila solventna, a da prijedlog rješenja o vraćanju duga bude na dnevnom redu razmatran i eventualno usvojen od strane Općinskog vijeća nakon usvajanju Budžeta za 2016. godinu.**

U daljnjoj raspravi su učestvovali vijećnici: Đemo Kevrić (koji je zatražio da se u pisanoj formi pripremi i za narednu sjednicu Vijeća dostave podaci o obustavljenim i uplaćenim sredstvima o kojima je Općinski načelnik informisao Vijeće.) i Mario Mirčić (koji je sugerisao da se održi sastanak Kolegija na kome bi se formulisali konkretni zaključci i uputili Vladi ZDK pri razmatranju konkretne pomoći Općini Vareš, o istom je dao pojašnjenje.)

Za riječ se javio Općinski načelnik Kovačević Avdija koji je u svom obraćanju izjavio da prihvata iznesene prijedloge u raspravi od strane vijećnika Đeme Kevrić i Maria Mirčić.

U raspravi je učestvovao i vijećnik Elvir Rožajac koji je iznio svoje mišljenje u vezi pomoći Vlade ZDK općini Vareš.

Zaključena je rasprava i predsjedavajući OV stavio je na izjašnjavanje usmenu Informaciju sa usaglašenim prijedlogom mjera i predloženi prijedlog Zaključka.

Nakon izjašnjavanja vijećnika predsjedavajući OV konstatuje da je Vijeće **jednoglasno prihvatilo Informaciju i predloženi Zaključak.**

Sjednica je završena u 15,55 sati.

Sastavni dio ovog Zapisnika je audio zapis sjednice.

SEKRETAR

Leon Pavlović

PREDSJEDAVALAČI

ZAPISNIČAR

Azra Ibrahimović

Zdravko Marošević